

2020-21 Ikasturterako matrikula betetzeko gida

BATXILERGOKO MATRIKULA EGITEKO KONTUAN IZAN BEHARREKOAK


Aurrematrikula osatuta, batxilergoan izen emateko pausorik korapilatsuena eginda dago. Behin betiko onartuen zerrendak argitaratu ostean, matrikula ofizializatzearen pausoa geratzen zaigu. Azken pauso hau, askoz ere prozesu sinpleagoa da. Covid-19ren ondorioz oraindik ohiko bulegoak (Hautzaro, Esmalteriako bulegoa) itxita daude eta matrikula online bideratzen saiatuko gara. Oiartzo ere irekita egongo da bulego-orduan (8:00-14:30) bisita bat egin eta matrikula-orria entregatzeko.

Edozein zalantza argitzeko eta inprimakia bidaltzeko matrikulazioa@oiartzoikastola.eus helbidera idatzi. Honetaz gain, 943 52 38 04 telefonoan izango gara (8:00-14:30) bitartean.

1.- AURKEZTU BEHARREKO DOKUMENTUAK:

Aurkeztu behar den dokumentu bakarra **matrikula inprimakia** da. Aurrematrikula inprimakiaren oso antzekoa da, datu bakanen bat aldatuta. Posta elektronikoki bitartez bidaliko zaizue dokumentua edo web orrian aurkitu ahalko duzue. Deskargatu, bete eta bidali bueltan Oiartzora. Arazoren bat ikusiko bagenu, jarriko ginateteke zuekin kontaktuan.

2.- MATRIKULA ORRIA:



The form is titled "Matrikula-orria / Hoja de Matriculación" and is for the 2019-2020 course. It includes fields for personal data (name, address, phone, email), contact information (school, address, phone, email), and specific course details for "Batxilergo I. Bala". The form also includes a section for "Batxilergo I. Bala" with fields for "Gizarte eta Gizarte Zientzien Batxilergoa", "Zientzien Batxilergoa", "Gizarte Zientzien Bata", "Historia - Euskaraz", "Fisika Kimika - Biologia eta Geologia", "Gizarte Zientzien Bata", "Historia - Librez", "Fisika Kimika - Matematika Teknikoa", and "Kultura Zientifikoa". There are also checkboxes for "Kultura Zientifikoa", "IT (Informatika)", and "Anatomia aplikatua". The form is dated 2019 and includes a signature line for the student.

Aurrematrikulako orriaren antzeko dokumentu bat da. Bertan gure datuak, aukeraketak eta baku-datuak jarri behar ditugu. Aurrematrikulako dokumenturen bat falta bada (argazkiak edo fotokopiaren bat) momentu ona da entregatzeko.

Dokumentu hau betetzeko kontuan izan beharrekoak:

Datuak:

Agiri ofizialetan dauden bezala bete behar dira ikasle eta gurasoen datuak. Oso garrantzitsua da helbide elektronikoa eta telefonoa modu ulergarri batean agertzea. **Ikasleek beren helbide elektronikoa ipini behar dute, Alexian beraien profilak sortzeko beharrezkoa dugu-eta.**

Ikasketa aukerak:

Aurrematrikulan bezala, hemen ere ikasketa aukerak adierazi behar dira. Aurrematrikulakoak berretsi edo beste batzuk aukeratu ditzakete, bai modalitateetan eta baita aukerako gaietan ere.

Modalitateei dagokien atala X batekin bete, eta aukerako gaiena zenbakiz. Aukerako gaietan aukeraketa aske uzten dugunez, lehentasunaren arabera aukeratzea gomendatzen dugu 1-2-3 zenbakiekin. Horrela, antolaketa edo plaza arazoak izango bagenitu aukerako gairen batean, badakigu zein den 3. aukera zuzenean aukera horretara bideratzeko.

Aurrematrikulan bezala, gaien eskema argi izateko Batxilergoako Gida irakurtzea gomendatzen dugu. Laburpen bat gehitu dugu jarraibide hauetako 3. puntuan.

Datu gehigarriak:

Datu hauetaz gain oso garrantzitsuak dira guretzako garraio aukera eta komunikaziorako hizkuntza. Euskaraz edo elebitan jasotzeko aukera dago. Honetaz gain garraio aukera ere hemen adieraztea komeni da. Hiru aukera daude: ikastolako autobusa erabili, autobus urbanoa erabili edo norbera bere kasa etortzea. Azken orrian dago garraio taula, ohiko geltoki eta ibilbideekin.

3.- BATXILERGOAREN EGITURA ETA AUKERAK:

GAI KOMUNAK:

- Euskara eta Literatura I
- Gaztelania eta Literatura I
- Ingelesa I
- Filosofia
- Gorputz Hezkuntza

Batxilergoko modalitate bakoitzak berariazko ikasgaiak ditu

ZIENTZIEN BATXILERGOA	GIZA ETA GIZARTE ZIENTZIEN BATXILERGOA	
	Giza Zientziak	Gizarte Zientziak
Matematika I	Latina I	GZ Matematika I

IBILBIDEA: *Bikote bat aukeratu*

Fisika-Kimika eta Biologia-Geologia	Mundu Garaikidearen Historia eta Ekonomia
Fisika-Kimika eta Marrazketa Teknikoa I	Mundu Garaikidearen Historia eta Literatura

AUKERAKOAK: Aukeratu hiru irakasgai lehentasunaren arabera: (1,2,3) (bi kurtsatuko dira)

- Anatomia Aplikatua
- Kultura Zientifikoa
- Informazioaren eta Komunikazioaren Teknologia I (IKT)

Frantsesa I

→ *Taldea sortzeko ezinbestekoa izango da gutxieneko ikasle-kopurua.*

AUKERAKO GAIEN AZALPEN LABURRA

Anatomia Aplikatua:

Giza gorputza eta mugimendua ulertu eta gorputz adierazpenarekin eta osasunarekin erlazionatzea ahalbidetzen duen ezagutza zientifikoa da. Gai honen edukiak hauek dira: anatomia deskribatzailea eta funtzionala, fisiologia, patologia eta jarduera fisikoaren zientziak. Irakasgai hau biologiako ezagutzekin guztiz lotuta dago.

Kultura Zientifikoa:

Irakasgai honetan lur planetaren eraketa, bizitzaren sorrera, genetika, biomedikuntzaren aurrerapenak eta informazio eta komunikazio teknologia berriak aztertuko dira.

IKT I:

Ikasketetan, aisialdian, eta gizartean parte hartzeko teknologia digitalak modu sortzaile, eraginkor, kritiko eta seguruaz erabiltzen irakasten duen gaia da.

Frantsesa I:

Oiartzo Ikastolan Frantsesa izango da Atzerriko Bigarren Hizkuntza. Ez da beharrekoa DBHn frantsesa ikasi izana.

4.- LIBURUAK:

Laster argitaratuko ditugu web orrian datorren ikasturteko liburu zerrendak. Gai askotan material propioa erabiltzen dugu, baina badira gaiak argitaletxeren baten liburuak jarraitzen dutenak.

Elkar dendarekin online erosteko aukera bat ere prestatu ohi dugu. Web orrian liburuen atalean esteka bat jarri ohi dugu dendara. Online erosten dira liburuak deskontu txiki batekin, eta irailean liburuak jasotzeko egun bat programatzen dugu.

Liburuen kontua prest dugunean Alexiatik jasoko duzue mezua xehetasun guztiekin.

5.- AUTOBUSA:

Autobusaren aukeraketa ere berrestea komeni da. Hauek izango dira ibilbideak eta geltokiak:

Errenteria	Oiartzun
AGUSTINAK	ARRAGUA
GAZTELUTXO	MENDIBIL
TELEFONIKA	PIKABENE
INSTITUTOA	LONDON
ARALAR	LIBURUTEGIA
FANDERIA	BELUTENE
TULLE	ALTZIBAR
	ITURRIOTZ
	IBARRE
	UGALDETXO

6.- PROZEDURAK ETA EPE-MUGAK:

Matrikula betetzeko epeak hauek dira:

- **ekainaren 22 – uztailaren 6 (biak barne)**

Bidali dokumentua gure emailera (matrikulazioa@oiartzoikastola.eus) edo etorri Oiartzora. Asko lagunduko digu dokumentua ahalik azkarren ekartzeak, edozein motatako aldaketak edo erroreak atzemateko denbora gehiago izango dugulako eta prozesua asko errazten duelako.